

後因世龜魁重試

上命蕩滌推考

○憲府論十二日癸酉五更時有西北方

星隕之變其大如釜其聲如砲且其流隕之後繼有赤白氣橫亘十餘丈及至

隕處其氣縈紆屈曲移時不消云此實非常之變人多傳說他司入直之官至

有目見者而觀象監不為書啓殊極可駭請側候官拿問

上從之○戊寅重

試文臣取姜世龜等八人

○己卯夜東方有氣如火光○金堤幼學尹尚升上

䟽條論民弊幾累千言

上命廟堂覆奏仍命嚴明黜陟一款令政院措辭下

諭於八方○辛巳以閔宗道為大司憲南垵柳經立為掌令任堂為持平李漢

命為副校理金海一為承旨金偶相為正言姜世龜朴泰尚任相元加通政以

重試壯元及重試前資窮也

○御書講尹鑄陳省墓往來時沿路所見請減收

糴身布又以李台瑞有文才請蕩滌中考而用之

上並以問議廟堂為答○

壬午夜土星退入犯東井左脚踏二星

○御書講尹鑄請各衙門屯田革罷導

掌並付守令收稅上送

上命廟堂稟處鑄又請敦勉領相

上即遣史官諭

之講訖引見輪對官

○癸未上命尹鑄同入後日備局引見時商議所建白

之事鑄言局外人不可同入退又上䟽

上諭以安心入參○甲申領議政許

積十上章祈免

上每溫諭不許方欲出仕及別諭下始乃應命○

中宮殿